

SAMNINGUR

Samtaka sunnlenskra sveitarfélaga, kt. 480775-0159, Austurvegi 56, 800 Selfossi í samningi þessum nefnt SASS, og **[nafn samstarfsaðila]** kt. XXX, XXX, XXX, í samningi þessum nefnd samstarfsaðili gera með sér eftirfarandi samning um atvinnu- og byggðaðróun á starfssvæði samstarfsaðila.

1. gr. Forsendur

Forsendur samningsins eru gildandi samningur við *Byggðastofnun um atvinnu- og byggðaðróun* frá 25. janúar 2023 (sjá fylgiskjal 1), lög um byggðaaætlan og sóknaráætlanir nr. 69/2015 og gildandi Sóknaráætlun Suðurlands á hverjum tíma.

Starfssvæði samstarfsaðila afmarkast við atvinnusóknarsvæði númer X á Suðurlandi eins og það er skilgreint af SASS. Afmarkast það af sveitarfélagamörkum sveitarfélaganna; X.

Samningur þessi er verksamningur sem varðar þjónustu og verkefnavinnu sem samstarfsaðili mun veita SASS, eins og nánar er lýst í 3. gr. samnings þessa.

2. gr. Markmið

Markmið samningsins er:

- Að ásýnd og skilvirkni þjónustu og verkefnavinnu á málefnasviði þessa samnings sé samhæfð milli SASS, samstarfsaðila, annara félaga og hins opinbera eins og kostur er.
- Að skapa grundvöll fyrir samstarfi samningsaðila innan byggðaðróunar í samræmi við stefnu Alþingis í byggðamálum, með áherslu á búsetuskilyrði, samkeppnishæfni, nýsköpunar- og atvinnuþróunarstarf.
- Að samþætta áherslur íslenska ríkisins, Sóknaráætlunar Suðurlands og sameiginlegar áherslur á starfssvæði samstarfsaðila og eftir atvikum á Suðurlandi innan byggðaðróunar og atvinnuráðgjafar.
- Að efla og styðja atvinnulíf og nýsköpun á starfssvæðinu og eftir atvikum í landshlutanum með árangursríkri og skilvirkri atvinnuráðgjöf og stuðningi á grunni svæðisbundinna styrkleika.
- Að byggja upp og efla gagnkvæma miðlun þekkingar, reynslu og hæfni milli samningsaðila á sviði atvinnuráðgjafar, byggðaðróunar og nýsköpunar.

3. gr. Skilgreining samnings – þáttur samstarfsaðila

Samstarfsaðili skal tilgreina hverjir muni veita þjónustu og sinna verkefnavinnu skv. samningi þessum fyrir SASS. Skal það ákveðið í samráði og með samþykki SASS.

Samningsaðilar tilgreina tengiliði sem hafa umsjón með samningnum.

Samstarfsaðili ber að veita þjónustu og sinna öllum verkefnum sem unnin eru í þágu SASS samkvæmt samningi þessum með vönduðum og faglegum hætti og ætíð í samræmi við samninginn. Þá skal samstarfsaðili virða lög og reglugerðir sem við eiga. Samstarfsaðili ber ábyrgð á starfsmönnum sínum, ráðgjöfum og/eða öðrum aðilum sem koma að framkvæmd samningsins fyrir hans hönd.

Að því leyti sem ekki er á annan veg getið í samningi þessum skal fara um réttindi og skyldur aðila samkvæmt því sem gildir um réttarstöðu verkkaupa og verktaka í hliðstæðum tilvikum.

Með samningi þessum skuldbindur samstarfsaðili sig til framkvæmdar á eftirfarandi verkþáttum:

a) Atvinnu- og byggðapróun

- Starfsemi samstarfsaðila, sem rúmast innan samnings þessa, skal innt af hendi í samræmi við stefnu ríkisins í byggðamálum, málefnum sveitarfélaga og nýsköpun. Hún skal einnig vera í samræmi við áherslur Sóknaráætlunar Suðurlands og aðra stefnumótun á sviði atvinnu- og byggðapróunar á starfssvæði samstarfsaðila.
- Samstarfsaðili leitar samstarfs og samráðs við stofnanir og aðra hlutaðeigandi aðila innan stoðkerfis atvinnulífs og nýsköpunar innan starfssvæðis eins og við á, s.s. sveitarfélög, fyrirtæki, þróunarsetur, klasa og háskólasetur, í tengslum við verkefnaöflun og verkefnavinnu. Samstarfsaðili leitar einnig samstarfs fyrrgreinda aðila er starfa utan svæðisins, þegar við á, í sama tilgangi.
- Samstarfsaðili stendur fyrir fræðslu og/eða þjálfun fyrir frumkvöðla, framleiðendur og fyrirtæki, s.s. í formi námskeiða, fyrirlestra eða tengslamyndunar, í samstarfi við SASS og/eða aðra viðeigandi aðila, þegar við á. Viðfangsefni fræðslunnar miða að svæðisbundnum áherslum og þörfum innan starfssvæðis.

b) Atvinnuráðgjöf

- Samstarfsaðili veitir ráðgjöf til einstaklinga, hópa og fyrirtækja um stofnun, þróun og rekstur fyrirtækja, sem og þróun annarra verkefna sem styðja við atvinnulíf starfssvæðisins. Ráðgjöfin skal snúa að, en takmarkast ekki við, tilsögn og/eða aðstoð við áætlanagerð, markaðssókn, fjármögnun, lánamöguleika Byggðastofnunar, efling tengslanets, kynningu og markaðsstarf.
- Þjónusta samstarfsaðila á sviði atvinnuráðgjafar skal vera sýnileg og aðgengileg í gegnum heimasíðu þess, þar sem formi og fyrirkomulagi þjónustunnar er lýst. Samstarfsaðili stendur fyrir markvissri kynningu á svæðisbundinni þjónustu sinni innan atvinnuráðgjafar, svo ekki sé um villst fyrir einstaklinga og fyrirtæki innan svæðisins að slík þjónusta sé í boði.
- Samstarfsaðili getur tekið þátt í fjárhagslegri ráðgjöf og endurskipulagningu fyrirtækja, en varast þó starfsemi á samkeppnismarkaði.

c) Nýsköpun

- Samstarfsaðili veitir stuðning og ráðgjöf til frumkvöðla og sprotafyrirtækja innan svæðisins. Slíkur stuðningur felst m.a. í leiðsögn við fjármögnun verkefna, þróun verkefnahugmynda og tengslamyndun.
- Samstarfsaðili tryggir að ráðgjafar þess búi yfir góðri þekkingu og sterkum tengslum við aðra svæðisbundna aðila innan stoðkerfis nýsköpunar, s.s. háskóla- og þekkingarsetur, klasa og stafrænar smiðjur. Ráðgjafar leiti samstarfs við fyrrgreinda aðila þegar við á og/eða leiða skjólstæðinga sína áfram innan hins opinbera stoðkerfis nýsköpunar.
- Samstarfsaðili hvetur til, stendur fyrir og/eða á samstarf um stuðnings- og hvataverkefni á sviði nýsköpunar, ýmist svæðisbundið eða í samstarfi við SASS.

d) Menning

- Samstarfsaðili veitir stuðning og ráðgjöf til aðila í lista- og menningarlífi innan svæðisins. Slíkur stuðningur felst m.a. í leiðsögn við fjármögnun verkefna, þróun verkefnahugmynda og tengslamyndun.
- Samstarfsaðili tryggir að ráðgjafar þess búi yfir góðri þekkingu og sterkum tengslum við aðra svæðisbundna aðila innan menningar og lista. Ráðgjafar leiti samstarfs við fyrrgreinda aðila þegar við á og/eða leiða skjólstæðinga sína áfram innan hins opinbera stoðkerfis lista og menningar.

- Samstarfsaðili hvetur til, stendur fyrir og/eða á samstarf um stuðnings- og hvataverkefni á sviði menningar og lista, ýmist svæðisbundið eða í samstarfi við SASS.

e) Upplýsingaöflun, þekkingarmiðlun og samstarf

- Samstarfsaðili skal hafa góða yfirsýn yfir starfssvæði sitt og veita SASS upplýsingar um stöðu atvinnulífs og búsetuþátta, eftir þörfum og án endurgjalds.
- Samstarfsaðili leitast við að efla þekkingu og fagmennsku sína á sviði atvinnuráðgjafar, atvinnu- og byggðaþróunar með endurmenntun starfsfólks, samvinnu við aðra samstarfsaðila og SASS, og með þátttöku í samstarfsverkefnum.
- Samstarfsaðili veitir SASS án sérstaks endurgjalds stuðning við skipulagningu og framkvæmd funda og viðburða á vegum samtakanna á starfssvæði samstarfsaðila og leggur eftir atvikum til tímabundna vinnuaðstöðu fyrir starfsfólk SASS.

Nánar er vísað til hlutverka samstarfsaðila í skilgreiningunni á hlutverkum byggðaþróunarfulltrúa í fylgiskjali 2.

4. gr. Skilgreining samnings – þáttur SASS

Með samningi þessum skuldbindur SASS sig til framkvæmdar á eftirfarandi verkþáttum:

a) Fagleg aðstoð

- SASS veitir samstarfsaðila faglega aðstoð við atvinnu- og byggðaþróun. SASS fylgist með nýjungum á þessum sviðum og miðlar upplýsingum til samstarfsaðila. SASS leitar eftir samstarfi við ráðuneyti, Byggðastofnun, aðrar stofnanir og aðra viðeigandi aðila innan stoðkerfis atvinnulífs og nýsköpunar.

b) Tengslamyndun og samstarf

- SASS vinnur að eflingu samstarfs meðal samningsaðila samtakanna innan atvinnu- og byggðaþróunar (hér eftir nefnt *samstarfsaðilum*), m.a. með reglulegum samskiptum, fundum og tengslamyndunarviðburðum. SASS mun einnig vinna að því að efla tengsl samstarfsaðila við stofnanir og aðra aðila innan stoðkerfis atvinnulífs og nýsköpunar, sem og við aðra aðila á sviði byggða- og atvinnuþróunar.
- SASS hvetur til og stuðlar að tengslamyndun atvinnuráðgjafa í landshlutanum og eftir atvikum um allt land, í þeim tilgangi að fullnýta mannauðinn og hvetja til samstarfs innan atvinnuráðgjafar og verkefnaþróunar.

c) Fundir og ráðstefnur

- SASS hefur umsjón með sameiginlegum fundum samstarfsaðila og leitar eftir þátttöku stofnana í stoðkerfi atvinnulífs og nýsköpunar í fundum eftir þörfum. SASS veitir eftir atvikum aðstoð við skipulag annarra funda, ráðstefna, og náms- og kynnisferða starfsmanna samstarfsaðila.
- Stefnt skal að því að haldin verði ráðstefna annað hvert ár um viðfangsefni á verkefnasviði atvinnuráðgjafarinnar og Byggðastofnunar með öðrum stofnunum í stoðkerfi atvinnulífsins.

d) Kynningarmál

- SASS vinnur að því að kynna þjónustu samstarfsaðilanna sem grundvallast á samningi þessum sem eina heild sem myndar stoðkerfi atvinnu- og byggðaþróunar og nýsköpunar á

Suðurlandi. SASS kann að leggja til leiðbeinandi verklag fyrir samstarfsaðila við kynningu á veittri þjónustu skv. samningi þessum.

5. gr. Fjármögnun og greiðslur

Útgjöld SASS vegna samnings þessa geta að hámarki numið kr. X.000.000 miðað við heilt almanaksár.

SASS greiðir samstarfsaðila X.XXX kr. fyrir hverja klukkustund (tímagjald) sem varið er til þjónustu skv. samningi þessum. Tímagjaldið innifelur alla þjónustu og annan kostnað sem hlýst eða kann að hljóttast af samningi þessum.

Samstarfsaðili skilar sjálfur sköttum og gjöldum af greiðslum samkvæmt samningi þessum.

Samningur þessi er fjármagnaður af aðildarsveitarfélögum SASS og með samningi milli Byggðastofnunar og SASS um byggðapróun (sjá fylgiskjal 1). Verði breytingar á framlögum sveitarfélaganna eða Byggðastofnunar er SASS heimil uppsögn samnings þessa eða leita endurskoðunar á samningi þessum.

Fyrirgreind hámarksfjárhæð samnings þessa tekur 80% mið af launavísitölu og 20% mið af neysluerðsvísitölu án húsnæðis í janúar 2023. Hámarksfjárhæðin er í janúar ár hvert verðbætt skv. fyrirgreindum vísitölum og í þeim hlutföllum sem þar eru tilgreind. Reiknast þá ný fjárhæð út frá breytingu á vísitölum frá janúar árið á undan fram að janúar á nýju ári.

Forsendur fyrir greiðslum eru staðfestar tímaskýrslur og skil samstarfsaðila á tilgreindum skilagögnum tvisvar á ári, í desember og apríl (sjá nánar um fyrirkomulag skilagagna í 6. gr). Jafnframt þarf samstarfsaðili að staðfesta tímaskýrslur nýliðins mánaðar fyrir fimmta virka dag hvers mánaðar þar á eftir.

Greiðslur til samstarfsaðila fara fram mánaðarlega og eru að jafnaði 1/12 hluti áætlaðrar hámarks fjárhæðar samningsins. SASS er heimilt að halda eftir mánaðarlegum greiðslum sé ljóst að framlag samstarfsaðila á því tímabili, sem til greiðslu er, sé orðið lægra en svarar til 1/12 hluta hámarks fjárhæðar samningsins.

Í lok árs fer fram uppgjör milli SASS og samstarfsaðila sem tekur mið af tímaskráningum og greiðslum á undangengnu almanaksári. Ekki er greitt fyrir tíma umfram samning þennan nema um það sé sérstaklega samið áður en vinnan er innt af hendi. Séu unnar klukkustundir á yfirstandandi ári færri en samningurinn segir til um kemur það til frádráttar í uppgjöri milli aðila.

Telji SASS að samstarfsaðili uppfylli ekki skyldur sínar skv. samningnum er samtökunum heimilt að stöðva greiðslur til samstarfsaðila tímabundið eða að öllu leyti þar til úr því er bætt.

6. gr. Afmörkun ráðgjafarþjónustu og verkefnavinnu

Samstarfsaðili og aðrir samstarfsaðilar á vegum SASS mega veita hverjum og einum þjónustuþega ráðgjöf samtals í allt að 7 klukkustundir innan sama almanaksárs. Sveitarfélögum og stofnunum sem starfa í almannabágu á starfssvæðinu og í landshlutanum mega samstarfsaðilar á vegum SASS veita ráðgjöf í samtals allt að 20 klukkustundir innan sama almanaksárs.

SASS getur heimilað að varið sé lengri tíma til einstakra verkefna umfram það sem kveðið er á um hér á undan. Heimildar til slíks ber að leita fyrir fram.

Samstarfsaðila er heimilt að vinna að eigin frumkvæði að verkefnaþróun og -vinnu innan samnings þessa en hámarks tímafjöldi til slíkra verkefna sem greitt er fyrir eru **X** klst. Skulu þau verkefni samræmast málefnaviði þessa samnings og stuðla að markmiðum gildandi Sóknaráætlunar Suðurlands og stefnu sveitarfélaga á svæðinu, sé slík stefnumörkun fyrir hendi.

7. gr. Eftirfylgni, samskipti og gagnaöflun

Samstarfsaðili ber ábyrgð á framfylgd verkefna sem kveðið er á um í samningi þessum. Óheimilt er að útvista ráðgjafarþjónustu eða annari vinnu sem grundvallast á samningi þessum nema með leyfi SASS og skal leita samþykkis samtakanna áður en það er gert.

Samstarfsaðili heldur daglegt verkþókhald og SASS leggur til verkþókhalds- og tímaskráningarkerfi. SASS gefur út leiðbeinandi verklag vegna tímaskráninga og fornið fyrir skilagögn sem samstarfsaðilar þurfa að inna af hendi. Skal það endurskoðað árlega í samráði við samstarfsaðila.

a) Skilagögn

- Samstarfsaðili skal fyrir 15. desember ár hvert skila SASS starfsáætlun fyrir næstkomandi ár. Skil á starfsáætlun er forsenda fyrstu greiðslu á næstkomandi starfsári. Í starfsáætlun skal tilgreina helstu verkefni sem innt verða af hendi innan ramma samningsins fyrir komandi ár, einnig með tilliti til starfsmannahalds og ráðstöfunar fjármuna. Starfsáætlun skal taka sérstaklega til helstu áherslna innan atvinnuráðgjafar og fyrir komandi ár annars vegar, sem og annarra atvinnu- og byggðaðróunarverkefna hins vegar, ef við á.
- Samstarfsaðili skal fyrir lok apríl ár hvert skila SASS starfsskýrslu fyrir nýliðið ár. Í starfsskýrslu skal koma fram sundurliðun á vinnuframlagi, yfirlit yfir verkefnavinnu ásamt verkefnislýsingu og styrkveitingum inn á svæðið. SASS leggur til form starfsáætlunar og -skýrslu.

8. gr. Trúnaður samstarfsaðila og starfsmanna á þeirra vegum

Samstarfsaðili heitir SASS því að farið verði með öll þau gögn, upplýsingar eða vitneskju sem starfsmenn samstarfsaðila fá í té eða verða áskynja um sem trúnaðarmál, nema þjónustuþegi veiti sérstaka heimild fyrir öðru. Er átt við allar upplýsingar um þjónustuþega, hvort sem þjónustuþegi lætur þær upplýsingar SASS í té, samstarfsaðila eða öðrum samstarfsaðilum SASS. Einnig er átt við upplýsingar um umsækjendur um styrkveitingar úr Uppbyggingarsjóði Suðurlands en öllum umsækjendum er heitið trúnaði skv. úthlutunarreglum sjóðsins. Þótt samningur þessi falli úr gildi af einhverjum ástæðum halda ákvæði þessarar greinar gildi sínu ótímabundið.

9. gr. Vanefndir

Samstarfsaðili skal í einu og öllu rækja skyldur sínar samkvæmt samningi þessum. Vanefni hann þær er SASS heimilt að fella niður greiðslur eða beita öðrum lögformlegum vanefndarúrræðum samkvæmt almennum reglum samninga- og kröfuréttar.

Vanefni annar hvor samningsaðila skyldur sínar verulega samkvæmt samningi þessum, er gagnaðilanum heimilt að rifta samningnum að undangenginni áskorun til þess er vanefnir, að hann láti af vanefndunum innan 15 daga, að viðlagðri riftun samningsins, verði vanefndirnar viðvarandi að loknum þeim fresti. Riftunaryfirlýsingin skal vera skrifleg, send viðtakanda með sannanlegum hætti, og tilgreina skýrlega ástæður riftunarinnar. Verði samningnum rift geta aðilar ennfremur borið fyrir sig önnur lögmeilt, venju- eða samningsbundin vanefndarúrræði í tilefni af vanefndum gagnaðila.

10. gr. Samband samningsaðila

Samstarfsaðili, starfsmenn hans, ráðgjafar eða aðrir sem koma að framkvæmd samningsins fyrir hönd samstarfsaðila, teljast ekki vera starfsmenn SASS og eiga því ekki neina kröfu á hendur SASS vegna launþegaréttinda af neinu tagi.

11. gr. Lausn ágreiningsefna

Rísi ágreiningur út af samningi þessum, s.s. um efni hans, framkvæmd hans, efndir hans eða annað skal haldinn sérstakur sáttafundur þar sem leitað skal lausnar og niðurstöðu um ágreininginn. Takist ekki sátt með aðilum er hvorum aðila um sig heimilt að sækja málið fyrir Héraðsdómi Suðurlands.

12. gr. Gildistími og uppsagnarákvæði

Samningur þessi gildir frá 1. júní 2023 til 31. desember 2027 og er hann uppsegjanlegur af hálfu beggja samningsaðila með þriggja mánaða fyrirvara. Komi til samningsslita skal uppgjör á samningi fara fram innan þriggja mánaða frá lausnardegi.

Samningsaðilar geta óskað eftir endurskoðun á einstökum ákvæðum samnings þessa á samningstímabilinu.

13. gr. Eintök samnings

Samningur þessi er gerður í tveimur samhljóða eintökum, einu handa hvorum aðila, og telst hvort um sig fullgilt frumrit samningsins. Framangreindu til staðfestu rita fyrirvarsmenn aðila nöfn sín hér undir í viðurvist þar til kvaddra vitundarvotta.

Selfossi XX. maí 2023

F.h. Samtaka sunnlenskra sveitarfélaga

F.h. XXX

Bjarni Guðmundsson,
framkvæmdastjóri

XXX
XXX


Vottar að rétttri dagsetningu og undirritunum:

Nafn

kt.

Nafn

kt.



Samningur

Byggðastofnunar við landshlutasamtök um ráðstöfun framlags úr fjárlagaliðnum
Atvinnuráðgjafar á landsbyggðinni (10-711-111).

Samtök sunnlenskra sveitarfélaga, kt. 480775-0159, Austurvegi 56, 800 Selfossi í samningi þessum nefnt félagið, og **Byggðastofnun** kt. 450679-0389, Sauðármýri 2, 550 Sauðárkróki gera með sér eftirfarandi samning um atvinnu- og byggðaðróun á starfssvæði félagsins.

1.gr.

Forsendur

Forsendur samningsins eru lög um Byggðastofnun nr.106/1999 með síðari breytingum og reglugerð um Byggðastofnun nr.347/2000, lög um byggðaaætlun og sóknaráætlanir nr. 69/2015.

2.gr.

Markmið

Markmið samningsins er:

- Að skapa grundvöll fyrir samstarfi samningsaðila innan byggðaðróunar í samræmi við stefnu Alþingis í byggðamálum, með áherslu á búsetuskilyrði, samkeppnishæfni, nýsköpunar- og atvinnuþróunarstarf.
- Að samþætta áherslur íslenska ríkisins og sameiginlegar áherslur á starfssvæði félagsins innan byggðaðróunar og atvinnuráðgjafar, m.a. í samræmi við gildandi Sóknaráætlun landshlutans.
- Að efla og styðja atvinnulíf og nýsköpun í byggðum landsins með árangursríkri og skilvirkri atvinnuráðgjöf og stuðningi á grunni svæðisbundinna styrkleika.
- Að byggja upp og efla gagnkvæma miðlun þekkingar, reynslu og hæfni milli samningsaðila á sviði atvinnuráðgjafar, byggðaðróunar og nýsköpunar.

3.gr.

Skilgreining samnings - þáttur félagsins

Með samningi þessum skuldbindur félagið sig til framkvæmdar á eftirfarandi verkþáttum:

- Atvinnu- og byggðaðróun
 - Starfsemi félagsins, sem rúmast innan samnings þessa, skal innt af hendi í samræmi við stefnu ríkisins í byggðamálum, málefnum sveitarfélaga og nýsköpun. Hún skal einnig vera í samræmi við áherslur sóknaráætlunar landshlutans og aðra stefnumótun á sviði atvinnu- og byggðaðróunar á starfssvæði félagsins.
 - Félagið leitar samstarfs og samráðs við stofnanir og aðra hlutaðeigandi aðila innan stoðkerfis atvinnulífs og nýsköpunar innan starfssvæðis eins og við á, s.s. fyrirtæki, þróunarsetur, klasa og háskólasetur, í tengslum við verkefnaöflun, verkefnavinnu og/eða stefnumótun. Félagið leitar einnig samstarfs fyrrgreinda aðila er starfa utan svæðisins, þegar við á, í sama tilgangi.

- Félagið stendur fyrir fræðslu og/eða þjálfun fyrir frumkvöðla, framleiðendur og fyrirtæki, s.s. í formi námskeiða, fyrirlestra eða tengslamyndunar, í samstarfi við Byggðastofnun og/eða aðra viðeigandi aðila, þegar við á. Viðfangsefni fræðslunnar miða að svæðisbundnum áherslum og þörfum innan starfssvæðis.

b) *Atvinnuráðgjöf*

- Félagið veitir ráðgjöf til einstaklinga, hópa og fyrirtækja um stofnun, þróun og rekstur fyrirtækja, sem og þróun annarra verkefna sem styðja við atvinnulíf starfssvæðisins. Ráðgjöfin skal snúa að, en takmarkast ekki við, tilsögn og/eða aðstoð við áætlanagerðir, markaðssókn, fjármögnun, lánamöguleika Byggðastofnunar, efling tengslanets, kynningu og markaðsstarf.
- Þjónusta félagsins á sviði atvinnuráðgjafar skal vera sýnileg og aðgengileg í gegnum á heimasíðu þess, þar sem formi og fyrirkomulagi þjónustunnar er lýst. Félagið stendur fyrir markvissri kynningu á svæðisbundinni þjónustu sinni innan atvinnuráðgjafar, svo ekki sé um villst fyrir einstaklinga og fyrirtæki innan svæðisins að slík þjónusta sé í boði.
- Félagið getur tekið þátt í fjárhagslegri ráðgjöf og endurskipulagningu fyrirtækja, en varast þó starfsemi á samkeppnismarkaði.

c) *Nýsköpun*

- Félagið veitir stuðning og ráðgjöf til frumkvöðla og sprotafyrirtækja innan svæðisins. Slíkur stuðningur felst m.a. í leiðsögn við fjármögnun verkefna, þróun verkefnahugmynda og tengslamyndun.
- Félagið tryggir að ráðgjafar þess búi yfir góðri þekkingu og sterkum tengslum við aðra svæðisbundna aðila innan stoðkerfis nýsköpunar, s.s. háskóla- og þekkingarsetur, klasa og stafrænar smiðjur. Ráðgjafar leiti samstarfs við fyrrgreinda aðila þegar við á og/eða leiða skjólstæðinga sína áfram innan hins opinbera stoðkerfis nýsköpunar.
- Félagið hvetur til, stendur fyrir og/eða á samstarf um stuðnings- og hvataverkefni á sviði nýsköpunar, ýmist svæðisbundið eða í samstarfi við aðra landshluta.

d) *Upplýsingaöflun, þekkingarmiðlun og samstarf*

- Félagið skal hafa góða yfirsýn yfir starfssvæði sitt og veita Byggðastofnun upplýsingar um stöðu atvinnulífs og búsetuþátta, eftir þörfum og án endurgjalds.
- Félagið leitast við að efla þekkingu og fagmennsku sína á sviði atvinnuráðgjafar, atvinnu- og byggðaþróunar með endurmenntun starfsfólks, samvinnu við önnur félög og Byggðastofnun, og með þátttöku í samstarfsverkefnum.
- Félagið veitir Byggðastofnun stuðning við skipulagningu og framkvæmd funda og viðburða á vegum stofnunarinnar á starfssvæði félagsins.

4.gr.

Skilgreining samnings - þáttur Byggðastofnunar

Með samningi þessum skuldbindur Byggðastofnun sig til framkvæmdar á eftirfarandi verkþáttum:

a) *Fagleg aðstoð*

- Byggðastofnun veitir félaginu faglega aðstoð við atvinnu- og byggðaðróun. Byggðastofnun fylgist með nýjungum á þessum sviðum og miðlar upplýsingum til félagsins. Byggðastofnun leitar eftir samstarfi við ráðuneyti, stofnanir og aðra viðeigandi aðila innan stoðkerfis atvinnulífs og nýsköpunar.

b) *Tengslamyndun og samstarf*

- Byggðastofnun vinnur að eflingu samstarfs meðal samningsaðila stofnunarinnar innan atvinnu- og byggðaðróunar (hér eftir nefnt *félagin*), m.a. með reglulegum samskiptum, fundum og tengslamyndunarviðburðum. Byggðastofnun mun einnig vinna að því að efla tengsl félaganna við stofnanir og aðra aðila innan stoðkerfi atvinnulífs og nýsköpunar, sem og við aðra aðila á sviði byggða- og atvinnuþróunar.
- Byggðastofnun hvetur til og stuðlar að tengslamyndun atvinnuráðgjafa um allt land, í þeim tilgangi að fullnýta mannauðinn og hvetja til samstarfs innan atvinnuráðgjafar og verkefnaöflunar.

c) *Fundir og ráðstefnur*

- Byggðastofnun hefur umsjón með sameiginlegum fundum félaganna og leitar eftir þátttöku stofnana í stoðkerfi atvinnulífs og nýsköpunar í fundum eftir þörfum. Byggðastofnun veitir eftir atvikum aðstoð við skipulag annarra funda, ráðstefna, og náms- og kynnisferðir starfsmanna félaganna.
- Stefnt skal að því að haldin verði ráðstefna annað hvert ár um viðfangsefni á verkefnasviði atvinnuráðgjafarinnar og Byggðastofnunar með öðrum stofnunum í stoðkerfi atvinnulífsins, en hitt árið skal stefnt að náms- og kynnisferð.

5.gr.

Fjármögnun

a) *Fast rekstrarframlag*

- Byggðastofnun leggur til fjármagn til félaganna af fjárlagaliðnum *Atvinnuráðgjafar á landsbyggðinni*.
- Skipting fjármagnsins skal vera í samræmi við reiknilíkan Byggðastofnunar sem uppfært er árlega, sbr. samþykkt stjórnar Byggðastofnunar 24. nóvember 2022.
- Framlagið breytist í samræmi við fjárveitingar Alþingis hverju sinni og er greitt út í tvennu lagi yfir hvert starfsár, í febrúar og júlí. Forsendur fyrir greiðslum eru skil félagsins á tilgreindum skilagögnum tvisvar á ári, í desember og maí (sjá nánar um fyrirkomulag skilagagna í 6.gr).
- Telji Byggðastofnun að félagið uppfylli ekki skyldur sínar skv. samningnum er henni heimilt að stöðva greiðslur til félagsins tímabundið eða að öllu leyti þar til úr því er bætt.

6.gr.

Eftirfylgni, samskipti og gagnaöflun

Félagið ber ábyrgð á framfylgd verkefna sem kveðið er á um í samningi þessum. Sé atvinnuráðgjöfinni útvistað skal leita samþykkis Byggðastofnunar áður en það er gert.

a) *Skilagögn*

- Félagið skal fyrir 31. desember ár hvert skila Byggðastofnun starfsáætlun fyrir næstkomandi ár. Skil á starfsáætlun er forsenda fyrri greiðslu fyrir komandi starfsár. Í starfsáætlun skal tilgreina helstu verkefni sem innt verða af hendi innan ramma samningsins fyrir komandi ár, einnig með tilliti til

starfsmannahalds og ráðstöfunar fjármuna. Starfsáætlun skal taka sérstaklega til helstu áherslna innan atvinnuráðgjafar fyrir komandi ár annars vegar, sem og annarra atvinnu- og byggðapróunarverkefna hins vegar, ef við á.

- Félagið skal fyrir lok maímánaðar ár hvert skila Byggðastofnun:
 - Ársreikningi fyrir næstliðið ár. Ársreikningur félagsins skal staðfestur af löggiltum endurskoðanda. Starfsemi félagsins að atvinnu- og byggðapróun skal vera bókhaldslega aðskilin frá annarri starfsemi félagsins og þeirra aðila sem að því standa.
 - Ársskýrslu. Í ársskýrslu skal gerð grein fyrir starfsemi félagsins innan ramma samningsins á næstliðnu ári og greina frá frávikum frá starfsáætlunum, ef einhver voru.
 - Útfylltri gagnatöflu fyrir næstliðið ár. Grunnhugmynd af gagnatöflunni má finna í viðauka samningsins og má ætla að hún taki breytingum þegar líður á samningstíma, þó ekki án samþykkis beggja samningsaðila.

Byggðastofnun hefur heimild til að leita skýringa á einstökum atriðum í starfsemi félagsins. Stofnuninni er einnig heimilt að gera sjálfstæðar athuganir á starfseminni til að afla upplýsinga um árangur af samningum.

Félagið skal senda Byggðastofnun fundargerðir stjórnarfunda félagsins, þegar málefni atvinnuþróunarinnar eru á dagskrá.

7.gr.

Gildistími og önnur ákvæði

Samningur þessi gildir frá 1. janúar 2023 til 31. desember 2027 og er hann uppsegjanlegur með sex mánaða fyrirvara.

Sauðárkróki/Selfossi 25. janúar 2023

F.h. Byggðastofnunar

F.h. Samtaka sunnlenskra sveitarfélaga

Arnar Már Elíasson,
Forstjóri Byggðastofnunar

Bjarni Guðmundsson
Framkvæmdastjóri